

**QQI**

Quality and Qualifications Ireland
Dearbhú Cailíochta agus Cailíochtaí Éireann

LEABHRÁN EOLAIS D'IARRTHÓIRÍ

Comórtas Oscailte chun

Príomhoifigeach Cúnta - Post Ardbhainistíochta

An Dáta Deiridh: 20 Meán Fómhair 2023

Teaghálaí: Celine Kelly, Bainisteoir,
AD

Stádas an Chonartha:

Tá ardphost buan ceannaireachta mar Cheann Ceannpháirtíochtaí á lorg ag Dearbhú Cailíochta agus Cailíochtaí Éireann (QQI). Bíonn páirt lárnach ag ardbhainisteoirí i bpróiseas bainistíochta QQI.

Féadfar painéal a thiomsú as an gcomórtas seo.

Údarás:
Éireann

Dearbhú Cailíochta agus Cailíochtaí

Suíomh:
Átha Cliath 2

26 – 27 Lána Denzille, Baile

AN CLÁR

MAIDIR LE DEARBHÚ CÁILÍOCHTA AGUS CÁILÍOCHTAÍ ÉIREANN (QQI)	3
SONRAÍOCHT AN PHOIST	5
PRÍOMHCHOINNÍOLLACHA SEIRBHÍSE	8
CUID II (COINNÍOLLACHA EILE A BHAINNEANN LE DAOINE A CHEAPFAÍ SA PHHOST SEO)	9
AN PRÓISEAS IOMAÍOCHTA	122
MODHANNA ROGHNÚCHÁIN	122
RÚNDACHT	133
NA HACHTANNA UM CHOSAINT SONRAÍ, 1988-2018	144

Maidir le Dearbhú Cáilíochta agus Cáilíochtaí Éireann (QQI)

Is é QQI an ghníomhaireacht stáit faoin Roinn Breisoideachais agus Ardoideachais, Taighde, Nuálaíocht agus Eolaíochta atá freagrach as:

- Cáilíocht, ionracas agus cáil chóras breisoideachais agus ardoideachais na hÉireann a chur chun cinn.
- A chinntí go mbainfidh foghlaimeoirí cáilíochtaí amach a bhfuil meas orthu go náisiúnta agus go hidirnáisiúnta.
- Eolas iontaofa ar na cáilíochtaí atá san áireamh sa Chreat Náisiúnta Cáilíochtaí a chur ar fáil.

Tá roinnt feidhmeanna tábhachtacha ag QQI:

Déantar cáilíochtaí

I réimse na gcáilíochtaí, táimid freagrach as an [CNC](#) (An Creat Náisiúnta Cáilíochtaí) deich leibhéal a chothabháil. Is comhlacht dámhachtana muid, leis, agus déanaimid caighdeán na ndámhachtainí a dhéanaimid sa CNC a shocrú agus a athbhreithniú. Cuirimid comhairle ar fáil, leis, ar aitheantas do cháiilíochtaí eachtracha in Éirinn agus ar aitheantas do cháiilíochtaí Éireannacha thar lear. Foilsíonn QQI eolaire de sholáthraithe agus de dhámhachtainí an CNC.

Dearbhú Cáilíochta

Táimid freagrach as athbhreithniú a dhéanamh ar a éifeachtaí atá dearbhú cáilíochta i soláthraithe breisoideachais agus ardoideachais agus oiliúna, lena n-airítéar:

- ollscoileanna,
- ollscoileanna teicneolaíochta,
- institiúidí teicneolaíochta,
- Boird Oideachais agus Oiliúna (BOOnna)

Déanaimid cáilíochtaí soláthraithe sna hearnálacha príobháideacha breisoideachais agus ardoideachais agus oiliúna a dhearbhú, leis, agus ceadaímid cláir dá gcuid as a leanann dámhachtainí QQI.

Fís, Misean agus Luachanna

Ár bhFís - Táimid tiomanta d'fhís d'Éirinn ina dtairgtear deiseanna éagsúla breisoideachais agus ardoideachais d'ardchaighdeán, a chuireann ar chumas foghlaimeoirí a lánacmhainneacht a bhaint amach trí cháiilíochtaí a bhfuil luach orthu go forleathan sa bhaile agus i gcéin a bhaint amach.

Ár Misean - Cothaímid muinín an phobail as cáilíocht, ionracas agus dea-cháil soláthraithe breisoideachais agus ardoideachais na hÉireann agus soláthraímid

faisnéis údarásach ar an raon éagsúil cáilíochtaí atá san áireamh sa Chreat Náisiúnta Cáilíochtaí.

Ár Luachanna - Bunaímid ár gcur chuige i leith ár gcuid oibre féin agus an tslí a oibrímid lenár ngeallsealbhóirí ar luachanna soiléire.

Creidimid go bhfuil freagracht i bpáirt againn le grúpaí eile chun muinín i gcáilíocht an oideachais agus na hoiliúna agus feabhsúchán leanúnach iontu a chinntiú. Creidimid gur fearr ár dtosaíoltaí agus ár gcuspóirí a bhaint amach trí chomhoibriú agus oibriú go cuiditheach lenár gcomhpháirtithe agus soláthraithe éagsúla. Is mór againn comhpháirtíochtaí ar mhaithe le leas frithpháirteach.

Geallaimid meas a léiriú ar oibiachtúlacht, trédhearcacht agus inbhuanaitheacht inár gcuid oibre. Is é sin an bonn lenár gcinnteoireacht agus lenár mbeartais, nósanna imeachta agus gníomhaíochtaí. Bunaítear iad ar fhianaise, agus ar dhea-chleachtas náisiúnta agus idirnáisiúnta, údarásach agus seoltar iad ar shlí ionraic atá trédhearcach agus a chothaíonn muinín.

Geallaimid difríocht a dhéanamh dár gcomhpháirtithe, dár soláthraithe agus dár bpobail. Is mór againn an fhaisnéis, an léargas agus an tionchar -- an tslí a gcomhlíontar spriocanna agus cuspóirí as a leanann tionchar dearfach substaintiúil ar ár dtimpeallacht oibre.

Is eagraíocht muid atá ag foghlaim. Táimid tiomanta don nuáil agus don bharrmhaitheas.

Ag obair do Dhearnála Cáilíochta agus Cáilíochtaí Éireann

Tá ár n-earnálacha breisoideachais agus ardoideachais ag athrú i gcónaí, ag glacadh róil nua, dinimiciúla agus chomhlántacha go náisiúnta agus go réigiúnach. Trí mheán ár ngníomhaíochtaí dearbhaithe cáilíochta, feabhsúcháin agus athbhreithnithe le soláthraithe, tá ról tábhachtach ag QQI maidir le trédhearcacht a sholáthar, muinín a chothú agus tacú le barr feabhas a bhaint amach in institiúidí oideachais agus oiliúna. Tugann gairm leis QQI deis uathúil chun seirbhísí agus rialáil thábhachtach a sholáthar ar fud na hearnála breisoideachais agus oiliúna agus san earnáil ardoideachais araon.

Is eagraíocht dearbhaithe cáilíochta, foras cáiliúcháin agus údarás cáilíochtaí é QQI. Chun fanacht ar an eolas faoi fhorbairtí ar fud an domhain agus ár gcuid oibre féin a phlé in Éirinn, faigheann foireann QQI páirt mar bhaill ghníomhacha de roinnt líonraí idirnáisiúnta um dhearnála cáilíochta agus comhlachais cáilíochtaí.

Ár Straitéis

Cuimsíonn [Ráiteas Straitéise 2022 - 2024](#) QQI mórchuid dúshlán don eagraíocht ar go leor slite. Cuirfidh QQI an ról méadaithe agus an sainchúram méadaithe a thugtar don eagraíocht leis an Acht um Cháilíochtaí agus Dearbhú Cáilíochta (Leasú) 2019 i bhfeidhm i roinnt réimsí lena n-áirítear:

- Liostóidh QQI forais cháiliúcháin amhail forais ghairmiúla nó forais idirnáisiúnta cháiliúcháin agus cuirfear a gcáilíochtaí san áireamh ar an gCNC.
- Bonn dlíthiúil don QQI chun oiriúnacht soláthraithe oideachais agus oliúna a scrúdú, lena n-áirítear comhlíonadh an dlí idirnáisiúnta fostáiochta.
- Marc Idirnáisiúnta Oideachais le haghaidh earnálacha an Ardoideachais agus Mhúineadh an Bhéarla.
- Scéim náisiúnta a bhunófar chun foghlaimeoirí cláraithe a chosaint i gcás ina ndúnann soláthraí go tobann.
- Feidhm QQI chun mulite aistí agus foirmeacha eile den chaimiléireacht acadúil a ionchúiseamh.
- Institiúidí teicneolaíochta a bhunú mar fhoraí neamhspleáach cháiliúcháin.
- Cosáin trínar féidir le hinstiúidí príobháideacha ollscoil a thabhairt orthu féin.

Comhthéacs Ról an Ardbhainisteora

Tá ról lárnach ag Bainsteoirí Sinsearacha in QQI agus athraíonn a ndualgais ag brath ar an aonad ina mbíonn deis ann. D'fhéadfadh go mbeadh ar Bhainsteoirí Sinsearacha feidhmiú i ról éagsúla in QQI ag brath ar an áit a n-eascaíonn an riachtanas gnó agus de réir mar a chinntidh an Príomhoifigeach Feidhmiúcháin. Is iad gnáthdhualgais an Ardbhainisteora in QQI:

- Páirt a ghlacadh i bpróiseas bainistíochta QQI.
- Forbairt agus anailís beartais.
- Straitéis a chur i bhfeidhm.
- An cheannaireacht is gó a sholáthar lena chinntíú go gcomhlíontar tosaíochtaí agus gníomhaíochtaí straitéiseacha QQI mar a bhaineann siad lena ról.
- Caidrimh chriticiúla a bhainistiú agus caidreamh éifeachtach a dhéanamh le raon éagsúil páirtithe leasmhara inmheánacha agus seachtracha QQI.
- Foireann a threorú agus a spreagadh, ag seachadadh aschuir agus cuspóirí an Phlean Corparáideach Blantúil agus mar a comhaontaíodh sa PMDS.

Sonraíocht an phoist

Eolas agus Taithí Riachtanach

Cáilíochtaí agus Taithí - Riachtanach

- Taithí 5 bliana ar a laghad i ról bainisteoireachta.
- Scileanna láidre cumarsáide ó bhéal agus scríofa.
- Scileanna anailíse láidre, breithiúnas iontaofa agus cumas cruthaithe chun torthaí a bhaint amach.
- Teist ar fhorbairt beartais agus nósanna imeachta.
- Cumas measúnú criticiúil a dhéanamh ar phróisis agus nósanna imeachta, feabhsuithe a aithint agus athrú a bhainistiú go héifeachtach.
- Sárscileanna TFC go háirithe MS Office Products (Word, Excel, Teams PowerPoint etc.).

Cáilíochtaí agus Taithí

- Oideachas go céim mháistreachta (CNC, Leibhéal 9) nó a coibhéis.
- Eolas agus taithí ar Bhreisoideachas agus Ardoideachas nó an cumas foghlaim go gasta.
- Taithí ar thionscadail a bhainistiú
- Eolas agus taithí ar chúrsaí riarrachán san earnáil phoiblí
- Scileanna láidre scríofa agus labhartha sa Ghaeilge
- Scileanna teanga

Cáilíochtaí Pearsanta:

Chomh maith leis na riachtanais thusa maidir leis na ról shonraithe 1 go 3, caithfidh iarrthóirí a bheith in ann na hinniúlachtaí seo a leanas atá ábhartha do ról Phríomhoide Cúnta a léiriú:

Bainistíocht agus seachadadh torthaí: Ba cheart d'iarrthóirí scileanna eagrúcháin agus bainistíocha ar leibhéal sinsearach a léiriú, inter alia, agus cumas cruthaithe chun dul in oiriúint do chuínsí atá ag athrú, agus oibriú faoi bhrú i dtimpeallacht chasta e.g. oideachas / bainistíocht / rialáil srl.

Ceannaireacht: Ba cheart d'iarrthóirí taithí a léiriú ar fhoireann a bhainistiú agus a thacú agus ar thimpeallacht táirgiúil foirne a chothú.

Anailís, cinnteoireacht: Ba cheart d'iarrthóirí scileanna smaointeoireachta criticiúla agus fadhbréitigh den scoth a thaispeáint.

Scileanna idirpearsanta agus cumarsáide Ba cheart go mbeadh scileanna cumarsáide béal agus scríofa den scoth ag iarrthóirí, agus cumas cruthaithe chun raon éagsúil caidrimh le páirtithe leasmhara ar leibhéal sinsearach a bhainistiú agus a threorú.

Sochair d'Fhostaithe

Is mór againn ár bhfostaithe agus infheistímid ina sláinte, ina leas agus ina sábháilteacht ag an obair agus déanaimid soláthar do Chlár Cúnaimh d'Fhostaithe. Tugaimid tacaíocht agus spreagadh dár bhfoireann chun a lánacmhainneacht a bhaint amach trí dheiseanna oideachais agus oiliúna san ionad oibre agus lasmuigh de. Cuirimid uaireanta solúbtha, obair dhúshlánach agus tairbhí ar fáil freisin a chuimsíonn:

- Ballraíocht i Scéim Aoisliúntais
- Scéim Saoire Bhreoiteachta
- Obair ón mBaile
- Scéim do Bliaín Oibre níos Giorra
- Saoire Mháithreachais
- Saoire Tuismitheora
- Saoire Tuismitheoirí
- Sosanna Gairme
- Saoire Scrúduithe agus Staidéir

Déanaimid soláthar don iliomad roghanna cogilte cánach do sholáthraithe iompair eagsúla. Táimid páirteach sa scéim Rothar chun na hOibre agus éascaímid roinnt asbhaintí árachais sláinte agus asbhaintí párola eile.

Marc KeepWell

Tá aitheantas faigte ag QQI ó IBEC as a ndáiríre atáimid faoi fholláine na bhfostaithe. Is aitheantas é an dámhachtain seo go dtugann QQI túis áite d'fholláine na bhfostaithe i mbeartas na heagraíochta.



Is Fostóir Comhdheiseanna é QQI

Gheofar tuilleadh eolais ar obair Dhearbhú Cáilíochta agus Cáilíochtaí Éireann ag www.qqi.ie

Príomhchoinníollacha Seirbhíse

Cuid 1 (Coinníollacha a bhaineann go sonrach leis an bpost seo)

Pá

Seo a leanas an scála tuarastail don phost seo:

PPC - €74,701, €77,452, €80,241, €83,040, €85,834, €87,445, €90,265¹, €93,095².

¹tar éis 3 bliana ar an uasmhéid - ²tar éis 3 6 bliana ar an uasmhéid

Tuarastal:

Déanfar an ceapachán ar an scála tuarastail ag pointe atá ar aon dul le beartas pá reatha an Rialtais. Tosóidh iontrálaithe nua isteach sa státseirbhís nó san earnáil phoiblí, mar a shainítear iad i gCiorclán 18/2010, ar an gcéad phointe den scála tuarastail.

Is féidir go mbeidh pá agus coinníollacha difriúla i bhfeidhm, má bhí an ceapaí ina státseirbhíseach nó ina sheirbhíseach poiblí roimh an cheapachán.

Féadfar breiseanna a dhámhadh faoi réir sheirbhís shásúil agus athruithe sna téarmaí agus coinníollacha maidir le breiseanna tuarastail sa tSeirbhís Shíbhialta/Phoiblí i gcoitinne.

Féadfar an ráta pá a mhionathrú ó am go chéile ar aon dul le beartas pá an Rialtais.

Saoire Bhliantúil:

30 lá oibre a bheidh sa tsaoire bhliantúil. Níl laethanta saoire phoiblí san áireamh ansin.

Uaireanta Tinrimh:

Beidh na huaireanta oibre de réir ghnáthshocruithe QQI agus ionann agus líon uaireanta nach lú ná 35 (glan ar shosanna) sa tseachtain.

Ní íocfar aon suim bhreise as tinreamh breise toisc go gclúdaíonn an ráta luach saothair aon tinreamh breise eisceachtúil a d'fhéadfadh a bheith de dhíth ó am go chéile.

Obair Chumaiscthe:

Tá polasaí oibre cumaisc ag QQI mar a roinneann ár bhfostaithe a gcuid ama idir freastal ar an ionad oibre agus oibriú go cianda.

Cuid II (Coinníollacha eile a bhaineann le daoine a cheapfaí sa phost seo)

1. Tionacht: Post buan é seo.

Ní mór don té a cheapfar tréimhse phromhaidh a chomhlíonadh, a mhairfidh sé mhí de ghnáth. Má bhíonn seirbhísí an cheapaí sásúil ó thaobh sláinte, iompar agus éifeachtúlachta i gcoitinne le linn na tréimhse promhaidh, ceapfar an duine sin ar bhonn buan ag deireadh na tréimhse. Má bhíonn an tseirbhís neamhshásúil, féadfar an ceapachán a fhoirceannadh uair ar bith le linn na tréimhse promhaidh.

2. **Dualgais:** Beifear ag súil go gcomhlíonfaidh an té a cheapfar gach dualgas a bhaineann leis an bpost seo (a d'fhéadfaí a athbhreithniú ó am go chéile).
3. **Fostaíocht Lasmuigh den Eagraíocht** Post lánaimseartha é seo agus ní mór don té a cheapfar aon bhaint le fostáiocht/leasanna gnó lasmuigh a sheachaint, más amhlaidh go bhfuil siad nó go bhféadfaidís a bheith i gcoimhlint. Ní mór soiléiriú a iarraidh ón lucht bainistíochta má tá amhras ann.
4. **Saoire Bhreoiteachta:** Is féidir saoire bhreoiteachta ar phá iomlán a cheadú faoi lánrogha Dhearnbhú Cáilíochta agus Cáilíochtaí de réir nósanna imeachta bunaithe agus coinníollacha don tseirbhís phoiblí i gcoitinne.
5. **Scor agus Aoisliúntas:** Taingfear téarmaí pinsin agus coinníollacha aoise pinsin na seirbhíse poiblí don té a cheapfar de réir na socruithe pinsin sa QQI ag brath ar stádas an té a cheapfar:
 - a) I gcoitinne, beidh duine nach bhfuil aon stair seirbhíse poiblí inphinsin aici nó aige sna 26 seachtain roimh an cheapachán ina bhall den Scéim Pinsin Aonair Seirbhíse Poiblí (An Scéim Aonair) a thosaigh an 1 Eanáir 2013 (tagraíonn Alt 10 den Acht um Pinsin Seirbhíse Poiblí (Scéim Aonair agus Forálacha Eile) 2012 di);
 - b) Beidh duine ar bith atá ar iasacht ina bhall i gcónaí de scéim pinsin na máthairchuideachta agus bunófar an tuarastal inphinsin ar a ghrád nó a grád substaintiúil .i. an grád ag a bhfuil an duine sin fostaithe ina m(h)áthairchuideachta.
 - c) Duine ar bith a bhí ina bhall de “scéim pinsin seirbhíse poiblí atá ann cheana” mar a fhорлeirofar san Acht um Pinsin na Seirbhíse Poiblí (Scéim Aonair agus Forálacha Eile) 2012 agus nach gcáilíonn do bhallaíocht sa Scéim Aonair, beidh sé nó sí ina bhall de Scéim Pinsin Foirne QQI agus de Scéim Ghaolmhar na gCéilí agus na Leanaí;
 - d) An uair a thraigfear an ceapachán, déanfaidh QQI i gcomhar leis an Roinn Oideachais & Scileanna agus an Roinn Caiteachais Phoiblí & Athchóirithe, más gá, i bhfianaise stair fostáiochta Sheirbhís Phoiblí an té a cheapfar roimhe seo agus/nó stair fostáiochta eile), na téarmaí agus coinníollacha cuí pinsin a chinnfidh a chuirfear i bhfeidhm go ceann thréimhse an cheapacháin. Ceanglófar ar cheapaithe a stair iomlán seirbhíse poiblí a noctadh. Cuirfear sonraí na bhforálacha cuí pinsin ar fáil nuair a chinnfear stádas an té a cheapfar;

- e) De réir fhorálacha an Acharta um Aoisliúntas na Seirbhíse Poiblí (Forálacha Ilghnéitheacha). 2004, ní ceadmhach do bhaill foirne dul ar scor roimh a 65ú breithlá ach amháin más drochshláinte is cùis leis. Tá socruithe éagsúla scoir i bhfeidhm i gcás foireann a bhí fostaithe sa tseirbhís phoiblí roimh an Acht 2004 réamhluait;
- f) Ba chóir aird a thabhairt ar na pointí seo a leanas:
- **Fabhrú Pinsin:** Beidh teorainn 40 bliain ar sheirbhís iomlán a áireamh i leith pinsin i gcás ina mbaineann an duine le níos mó ná scéim pinsin seirbhíse poiblí amháin atá ann cheana. Tháinig an Scéim Aonair, dá bhforáiltear san Acht um Pinsin Seirbhíse Poiblí (Scéim Aonair agus Forálacha Eile) 2012, isteach le héifeacht an 28 Iúil 2012. Is féidir go mbeidh impleacthaí ann d'aon cheapaí a bhfuil cearta pinsin faigthe aici/aige i bhfostaíocht seirbhíse poiblí roimhe seo.
 - **Laghdú Pinsin:** Leathnaíodh laghdú pinsin faoin Acht um Pinsin na Seirbhíse Poiblí (Scéim Aonair agus Forálacha Eile) 2012 ionas bhfuil go ndéantar laghdú ar phinsean seirbhíse poiblí duine ar bith a théann ar ais isteach i bhfostaíocht seirbhíse poiblí, fiú nuair is i réimse difriúil den tseirbhís phoiblí an fhostaíocht nua. Ach más amhlaidh go raibh an té a cheapfar fostaithe sa státseirbhís roimhe seo agus gur bronnadh pinsean air/uirthi faoi shocruithe deonacha luathscoir (seachas Scéim Dreasaithe Luathscoir (ISER) nó VER/VRS Fheidhmeannacht na Seirbhíse Sláinte, a chuireann an duine as an áireamh don chomórtas, mar a mhínítear thíos), beidh deireadh leis an teidlíocht ar íoc an phinsin sin ó dháta an athcheapacháin. Déanfar socruithe speisialta, áfach, chun seirbhís a thug an té an cheapaí roimhe seo a chur san áireamh ar mhaithe le haon dámhachtain pinsin amach anseo dá gcáileodh an duine sin.
 - **Scéim Luathscoir do Mhúinteoirí na Roinne Oideachais agus Scileanna Imlitir 102/2007:** Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll é den Scéim Luathscoir, ach amháin i gcásanna atá leagtha amach i bparaghraif 10.2 agus 10.3 den chiorclán reatha, agus sna cásanna sin amháin, má ghlacann múinteoir le scor luath faoi Shnáitheanna 1, 2 nó 3 den scéim seo agus má fhostaítear í nó é ina diaidh sin in aon cháil in aon réimse den earnáil phoiblí, cuirfear deireadh láithreach le híoc pinsin an duine sin faoin scéim. Atosófar den phinsean a íoc, más ea, ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inriofa iarbhír an duine sin mar mhúinteoir (i. ní chuirfear na blianta breise a deonaíodh roimhe seo san áireamh agus an íocaíocht pinsin á riomh).
 - **Scor Drochshláinte:** Cuir san áireamh go bhféadfadh pinsean duine a chuaigh ar scor ó chomhlacht státseirbhíse/seirbhíse poiblí ar chúiseanna drochshláinte a bheith faoi réir athbhreithniú de réir rialacha na scéime scoir drochshláinte laistigh den scéim pinsin na fostaíochta sin.
- 6. Ranníocaíochtaí Breise Aoisliúntais (RBA)** Déanfar an ceapachán seo faoi réir ASC i gcomhréir le beartas an rialais [gov.ie – Rátaí agus Tairseacha Athbhreithnithe maidir leis an Ranníocaíocht Bhreise Aoisliúntais le hÉifeacht ón 1 Eanáir 2020 \(www.gov.ie\)](http://gov.ie).
- 7. Incháilitheacht chun dul san iomaíocht agus srianta áirithe ar incháilitheacht Riachtanais Saoránach.**
Ní mór d'iarthóirí incháilithe a bheith i gceann de na grúpaí seo a leanas:

1. Saoránaigh den Limistéar Eorpach Eacnamaíoch (LEE). Ballstáit an Aontais Eorpaigh mar aon leis an Íoslainn, an loru agus Lichtinstéin atá i gceist leis an LEE; nó
2. Saoránaigh de chuid na hEilvéise de bhua chomhaontú idir an AE agus an Eilvéis ar shaorghluaiseacht daoine; nó
3. Saoránaigh neamh-LEE atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige; nó
4. Duine a bhfuil cosaint idirnáisiúnta faighe aige faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó
5. Saoránaigh neamh-LEE ar tuismitheoir í/é de leanbh cleithiúnach atá ina shaoránach de bhallstát LEE nó den Eilvéis agus a bhfuil cónaí air nó uirthi ann agus a bhfuil víosa stampa 4 aici/aige.

Nóta maidir le saoránaigh an RA: Deimhníodh san idirbheartaíocht AE/Breatimeacht RA a cuireadh i gcrích le déanaí go bhfuil an Comhaontú Comhlimistéar Taistil le fada an lá idir an RA agus Éire gan athrú tar éis an Bhreatimeachta. Dá réir sin, tá saoránaigh na RA incháilithe chun dul i mbun oibre agus cónaí in Éirinn gan srian agus, dá bharr sin, iarratas a dhéanamh chun dul isteach sa chomórtas seo i gcás ina gcomhlíonann siad na critéir incháilitheachta cálitheachta eile go léir

8. **An Scéim Luathscoir Dreasaithe:** Is coinníoll é den Scéim Luathscoir Dreasaithe, mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin, ní ghlaicfar le hiarratais ó dhaoine atá ag baint leas as an scéim sin.
9. **Ciorclán na Roinne Sláinte agus Leanaí (7/2010):** Tugadh isteach le Ciorclán 7/2010 na Roinne Sláinte agus Leanaí den 1 Samhain 2010 Sprioscéim le haghaidh Luathscor Deonach (VER) agus Iomarcaíocht Dheonach (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.
10. **Comhaontú Comhchoiteann: Íocaíochtaí Iomarcaíochta le Seirbhísigh Phoiblí**
Le litir ón Roinn Caiteachais Phoiblí agus Athchóirithe dar dáta an 28 Meitheamh 2012 d’Oifigh Pearsanta, tugadh isteach, le héifeacht ó 1 Meitheamh 2012, Comhaontú Comhchoiteann a rinneadh idir an Roinn Caiteachais Phoiblí agus Athchóirithe agus Coiste Seirbhísí Poibli an ICTU maidir le híocaíochtaí iomarcaíochta ex-gratia do sheirbhísigh phoiblí. Is coinníoll den Chomhaontú Comhchoiteann é nach mbeidh daoine a bhaineann leas as an gcomhaontú cálithe lena n-athfhostú sa tseirbhís phoiblí in aon chomhlacht seirbhís poiblí (mar a shainítear sna Beartais Éigeandála Airgeadais sna hAchtanna um Leas an Phobail 2009-2011) go ceann dhá bhliain ó fhoirceannadh na fostáiochta. Ina dhiaidh sin beidh toiliú an Aire Caiteachais Phoiblí agus Athchóirithe de dhíth sula n-athfhostaítar an t-iarrthóir. Daoine a bhain leas as an scéim seo agus a

d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

11. Dearbhú stair fostáiochta seirbhíse poiblí roimhe seo:

larrfar ar iarratasóirí dearbhú a thabhairt cibé ar bhain siad leas roimhe seo as scéim luathscoir dreasaithe seirbhíse poiblí. agus/nó as an gcomhaontú comhchoiteann a rianaíodh thuas. Beidh ar iarratasóirí, leis, dearbhú a thabhairt maidir le haon teidlíocht atá acu ar phinsean Seirbhíse Poiblí (atá á híoc nó á chaomhnú) ó aon fhostaíocht Seirbhíse Poiblí eile agus/nó cibé an bhfuair siad íocaíocht in ionad i dtaca le haon seirbhís in aon fhostaíocht Seirbhíse Poiblí.

[An Próiseas lomaíochta](#)

[Conas iarratas a dhéanamh:](#)

Ba chóir iarratas a dhéanamh trí CV reatha agus litir chumhdaigh a chur isteach, mar aon le ráiteas tacaíochta mar a mhínítear thíos ina leagtha amach a oiriúnaí atá an t-iarrthóir don phost, i ríomhphost chuig Celine Kelly, Bainisteoir Acmhainní Daonna ag recruit@qqi.ie ar a 5 tráthnóna ar 20 Meán Fómhair 2023.

Ráiteas Tacaíochta: Caithfear ráiteas tacaíochta **a chur ar fáil** - tabhair na cúiseanna a bhfuil tú ag cur isteach ar an bpost/ar na poist seo. Déan tagairt do na hinniúlachtaí atá leagtha amach sa roinn "Eolas agus Taithí Riachtanach" agus mínigh an tstí a gcomhlíonann tú gach inniúlacht díobh trí shampla amháin ar a laghad a sholáthar (300 focal ar a mhéad go gach sampla)..

Ceanglófar ar iarratasóirí dearbhú mar atá tugtha i bparagraf 11 a sholáthar.

Ní ghlacfar le hiarratais tar éis an dáta deiridh

[Modhanna Roghnúcháin](#)

Is féidir iarrthóirí a ghearrliostú ar bhonn na faisnéise a chuireann siad ar fáil ar a bhfoirm iarratais mar chuid den phróiseas roghnúcháin

- agallamh
- teistiméireachtaí sásúla (ní dhéanfar teagmháil le teistiméirí gan comhaontú an iarrthóra a fháil roimh ré)

Forchoimeádann Dearbhú Cáilíochta agus Cáilíochtaí Éireann an ceart iarraidh ar iarrthóirí an dara hagallamh a dhéanamh.

[Gearriostú](#)

De ghnáth is mó iarratas a fhaightear ar phost ná an líon is gá chun folúntais atá anois ann agus folúntais todhchaí sa phost seo a líonadh. I gcás ina gcomhlíonann iarrthóir riachtanais

cháilitheachta an chomórtais, más amhlaidh go gcuireann líon chomh mór sin isteach ar an gcomórtas nach mbeadh sé praiticiúil an uile iarrthóir a chur faoi agallamh, féadann QQI cinneadh a dhéanamh gan ach líon beag a chur faoi agallamh. Maidir leis seo, déanann QQI soláthar le haghaidh próiseas gearriostaithe chun grúpa a roghnú le cur faoi agallamh ar cosúil, bunaithe ar scrúdú ar na foirmeacha iarratais, gurb iad is oiriúnaí don phost. Scrúdóidh bord saineolaithe na foirmeacha iarratais i gcomparáid le critéir réamhshainithe bunaithe ar riachtanais an phoist. Ní hionann sin is a rá go bhfuil na hiarrthóirí eile neamhoiriúnach nó neamhábalta don phost, ach go bhfuil iarrthóirí áirithe a ndealraíonn sé, bunaithe ar a bhfoirm iarratais, go bhfuil cálíochtaí nó taithí níos ábhartha acu. Mar sin is é do leas é cuntas mionsonraithe agus cruinn ar do cháilíochtaí/taithí a chur ar fáil i d'iarratas.

Rúndacht

Faoi réir fhorálacha an Achta um Shaoráil Faisnéise, 1997, leasaithe, caithfear le gach iarratas mar iarratas faoi rún.

Eolas tábhachtach eile

Ní bheidh QQI freagrach as aon chostais a thabhóidh iarrthóirí.

Ní chiallaíonn sé, má ghlactar le duine isteach i gcomórtas, nó má fhaigheann sí/sé cuireadh chun agallaimh, go bhfuil QQI sásta go gcomhlíonann an duine sin riachtanais an chomórtais nó nach bhfuil sí/sé dícháilthe faoin dlí don phost agus ní aon ráthaíocht é go mbreithneofar an t-iarratas tuilleadh. Tá sé tábhachtach, mar sin, go dtuigfeá gur ortsa an t-ualach a chinntí go gcomhlíonann tú na riachtanais cháilitheachta don chomórtas sula dtagann tú chun agallaimh. Mura gcomhlíonann tú na bunriachtanais iontrála seo ach má thugann tú chun agallaimh, beidh tú ag tarraingt costais neamhriachtanacha ort féin.

Sula moltar iarrthóir ar bith a cheapadh sa phost seo, déanfaidh QQI gach fiosrú is dóigh atá riachtanach chun a fháil amach an bhfuil an t-iarrthóir oiriúnach. Ní féidir aon chinneadh deiridh a dhéanamh go dtí go mbeidh gach céim den phróiseas earcaíochta curtha i gcrích, agus níor chóir a mheasadh ná glacadh leis go bhfuil an cinneadh déanta.

Má dhiúltaíonn an té a mholtar don phost glacadh leis an bpost, nó tar éis glacadh leis, má fhágann sí/sé é nó má thagann folúntas breise chun cinn, féadfaidh QQI, faoina lánrogha féin, duine eile a roghnú agus a mholadh lena cheapadh, bunaithe ar thorthaí an phróisis roghnúcháin seo.

Oibleagáidí iarrthóirí

Cuirtear in iúl d'iarrthóirí go ndícháileoidh canbhasáil agus go gcuirfear amach as an gcomórtas iad dá bharr.

Níor chóir d'iarrthóirí:

- faisnéis bhréagach a chur ar fáil go heolach nó go meargánta
- duine ar bith a chanbhasáil le spreagadh nó gan spreagadh
- cur isteach ar an bpróiseas nó dochar ar bith a dhéanamh dó

Ní ceadmhach do thríú páirtí iarrthóir a phearsanú ag céim ar bith den phróiseas.

Duine ar bith a sháraíonn ceann de na forálacha thusa ná a chabhraíonn le duine ar bith aon cheann de na forálacha thusa a shárú, beidh sé ná sí ciontach i gcoir. Duine ar bith a fhaightear ciontach i gcion, dlífear fineáil agus/nó téarma príosúnachta air/uirthi.

Anuas ar sin, i gcás ina raibh ná ina bhfuil duine a cointaíodh i gcion ina iarrthóir sa phróiseas earcaíochta, ansin:

- i gcás nár ceapadh sa phost í/é, dícháileofar í/é mar iarrthóir; agus
- i gcás inar ceapadh é/í tar éis an phróisis earcaíochta i dtrácht, géillfidh sé/sí an ceapachán sin.

Iarrthóireacht a mheas mar iarrthóireacht

atá tarraingthe siar

Iarrthóirí nach dtagann chun agallaimh ná scrúdaithe eile san áit agus ag an am a shocróidh QQI, nó nach soláthraíonn fianaise a iarrann QQI orthu, nuair a iarradh é, maidir le haon ghnó atá bainteach lena n-iarrthóireacht, ní bheidh siad i dteideal aon bhreithnithe eile.

Seirbhís Cháilíochta do Chustaiméirí

Féachaimid le seirbhís ar ardchaighdeán a chur ar fáil dár gcuistaiméirí uile. Má tá tú míshona, ar chúis ar bith, le gné ar bith den tseirbhís a fuair tú uainn, iarraimid ort é sin a chur in iúl don aonad ná don bhall foirne i dtrácht. Tá tábhacht leis seo mar go gcinntíonn sé go mbímid ar an eolas faoin bhfadhb agus gur féidir linn gníomhú chun an fhadhb a réiteach.

Cuirfear aiseolas ar fáil ach iarratas a dhéanamh i scríbhinn.

Na hAchtanna um Chosaint Sonraí, 1988-2018

Nuair a gheofar d'fhoirm iarratais, cruthófar taifead faoi d'ainm, ina gcoinneofar mórchuid den fhaisnéis phearsanta a chuireann tú ar fáil. Ní úsáidtear an taifead pearsanta seo ach amháin chun d'iarrthóireacht a phróiseáil agus coinneoidh QQI eolas áirithe a chuireann tú ar fáil, má éiríonn leat sa chomórtas. Coinnítear an t-eolas sin faoi réir na gceart agus na n-oibleagáidí atá leagtha amach sna hAchtanna um Chosaint Sonraí, 1988 & 2018. Chun iarratas a dhéanamh faoi na hAchtanna um Chosaint Sonraí, 1988 & 2018, seol iarratas i scríbhinn chuig: Saoráidí, QQI, 26 – 27 Lána Denzille, Baile Átha Cliath 2, agus cinnigh go ndéanann tú cur síos ar na taifid atá uait a mhéad is féidir chun gur féidir linn an taifead i dtrácht a shainaithint. Ba chóir €6.35 de tháille a chur leis an iarratas. Ba chóir an íocaíocht a dhéanamh i bhfoirm dréacht bainc, ordú airgid ná seic phearsanta, iníoctha le 'QQI'

Cuspóir na Próiseála

Seolann QQI próisis earcaíochta chun folúntais san eagraíocht a líonadh. Agus iarratasóirí ag cur isteach ar na comórtais seo, iarrtar orthu raon doiciméad a chur isteach, m.sh. foirm iarratais, CV agus/nó litir chlúdaigh.

Faigheoir/Comhroinnte le	Cúis
Recruitment Plus/QQI HR	Iarratais a fháil agus a admháil agus comhfhereagras a dhéanamh le hiarratasóirí Is gá fainseis áirithe le cur san áireamh i gconarthaí d'iarratasóirí a n-éiríonn leo
Bord Roghnúcháin	Fainseis is gá don ghearrliostú agus don phróiseas agallaimh
Fostóir reatha	Seiceálacha ar shaoire bhreoitacht agus seiceálacha ar theistiméirí i gcás iarratasóirí nach seirbhísigh phoiblí iad

Teidlíochtaí na nIarratasóirí

Aithníonn go bhfuil teidlíochtaí ag iarratasóirí agus tá na teidlíochtaí sin leagtha amach thíos.

Rochtaí

- Féadfaidh iarratasóirí a gcuid sonraí a iarraidh agus a fháil uair ar bith agus cóip de na sonraí seo a iarraidh agus a fháil, i bhformáid leictreonach/inaistrithe.

Léirsriosadh

- Féadfaidh iarratasóirí léirsriosadh na sonraí atá i seilbh a iarraidh.

Ceartú

- Féadfaidh iarratasóirí ceartú a dhéanamh ar aon fhainsnéis mhícheart.

Agóid

- Féadfaidh iarratasóirí agóid a dhéanamh in aghaidh phróiseáil na fainseise seo.

Gearán

Féadfaidh iarratasóirí gearán a dhéanamh lenár nOifigeach Cosanta Sonraí “OCS” (sonraí teagmhála thíos) agus/nó gearán a dhéanamh leis an údarás cuí – an Coimisiún um Chosaint Sonraí in Éirinn

Sonraí teagmhála OCS QQI

Ríomhphost: dpo@qqi.ie

Nó

Oifigeach Cosanta Sonraí
 Dearbhú Cáilíochta agus Cáilíochtaí Éireann
 26 – 27 Lána Denzille
 Baile Átha Cliath 2.
 D02 P299

Gheofar tuilleadh eolas ar chosaint sonrai:

Ar shuíomh gréasáin an Choimisiúnara Cosanta Sonraí – www.dataprotection.ie

Déan teagmháil le hOifig an Choimisiúnara Cosanta Sonraí ar an bhfón ar 1890 252231 nó le ríomhphost ar info@dataprotection.ie